



## MET KOPWE FORI ATUN A WOR ESINESINEN NOPWOPWO (TSUNAMI WARNING)?

- Nupwen epwe wor su, epwe tik ewe sairen. Mi tongeni fiis watten kokonon fonu ika puu won fonu. Suseni puun konik, nenien konik me anen konik re puu ngeni neset pokiten pochokkunen mokutukutun weiwein Nopwopwo (Tsunami).
- Ika kese nom non nenien sungeni ren a wor Nopwopwo pasonochok ian ka nomw ia pwe epwe mareoch mokutukutun aramas me chitosa.
- Cheki radion Hawai'i me kewe TV staisons ika noun NOAA we Weter radio ren poraus auchea mi atapanapwan. (Radion foun ina esap wor porausen Hawai'i won)
- Ika ke nomw ikeweia echomong watten imw mi tekia, kopwe tongeni sungeni ian mi fateno kopwe sungeni. Ewe imw epwe ukukun 10 sasar nge mi for seni simen mi pochokun iwe kopwe suta won oruanun sasar ika tekia seni pwe kosap feiangaw.
- Omokutu waa me siip ngeni saat mi anonon ika mi wor fansoun.
- Kosapw nomw non ekkewe nenien suuseni (Tsunami Evacuation Zone) tori an epwe wor kapasen esinesin pwe a wesino ewe osukosuk seni nouwiisen putain emerchensi. Ouseningoch ngeni nouwiis seni emerchensi me chon tumunu annuk. Kosap niwin sefaniti nenien sungeni tori an nouwiis en putain wiis ra ora ka tongeni niwin.
- Cheki noun Hawai'i kewe raido ika noun NOAA Weter Radio ren poraus atapanapwan mi auchea ren nenien oop (sungeni) ika fen pwan ekewe nenien anninis.



## IEI MET KOPWE FORI IKA PWE A WOR ESINESINEN EKKEI METTOCH:

- Mwitir sungeni neni kosap feiangaw me ia, fonu tekia me su seni fonuen arosset. Ika suuta wwon ewe oruannun sasar (4th Floor) ika pwan tekia seni non ewe imwe siimen.
- Kosap uti inet epwe tou esinesin.
- Fetan ika wawa pasiken ika mi tufich ngonuk.
- Kosapw pakini pisek ika mwokutumang.
- Kosap niwiniti piepi – nopopo mi tongeni chok sopoulosono ne tori arosset non fite awa.

## IFA USUN UPWE MONNETA?

- Cheki faan ruu ika ke nomw, angang, me no non neni mi punguno pwe nenien suuseni (Tsunami Evacuation Zone), nenien suuseni ren watten Nopwopwo (Extreme Tsunami Evacuation Zone) ika ewe neni kosapw feiangaw me ia (Safe Zone).
- Kaeo Porausen Suu ika ewor Nopwopwo me non maap enomw online [www.kauai.gov/kema](http://www.kauai.gov/kema), enomw non noun Hawaii Telecom we buken tengaw mi pwech, ika non an Muun kewe naibreri (Public Library).
- Amonata mwe mwan ew potoun (GO BAG) mettoch epwe annisuk. Ei Potou (GO BAG) mi tongeni epwe ew sutkais ika ew kukun nenien pisek ke tongeni chok suputiwei ka uwei fansoun awor mokutukut atapanapwan (emerchensi).




Konik



Mwongo



Radio




Tengki



Safeei



First Aid



Auchean Taropwe

MASOWEN  
EWE GO BAG



## MET KOPWE FORI ATUN A FIIS CHECHCHECHIN FONU ME NOPWOPWO (TSUNAMI) NON NENI TOWAW?

Ren chechchechin fonu efiis non fonuen Pasifik, cheki ika ewor esinesin ren Masen Nopwopwo (Tsunami Watch), porausen ammon ika esinesin ngeni Hawai'i.

## MET KOPWE FORI NUPWEN A WOR CHECHCHECH ME NOPWOPWO IKKEWE KE NOMW IA?

### MOTONO

Motono won poumw me pasukum pwe kosap turuno ren ewe chechchech.

### OPONU


Oponu mokuromw, uwomw ngeni poum omw kopwe epetisonuk feiangaw seni mokun mettoch. Nomw towaw seni kinas me asamacho.

### OMOCHU (KOMUCH)

Omochu (Komuch) ew ponupon mi pochokkun pwe kopwe tongeni mokut fengen tori an kouno ewe chechch.

- Posetiw chok ikewe ie ke nomw ia tori an ew chechch a kouno. Kosap tou nukun tori an ew checheck a kouno.
- Ewe chechch mi tongei efiisata ew Nopwopwo ikewe ia ke nomw ia non fitu minich mwirin. Ika ke arapakan ngeni saat, mwitir sungeni neni tekia ngeni ew neni kosap feiangaw me ia e nom nukun ewe Nenien Suri fansoun a wor Nopopo (Tsunami Evacuation Zone) inet chok a kouno ewe chechch.
- Kosap uti an epwe wor esinesin pwe epwe wor Nopwopwo.
- Fetan ika wawa pasiken ngeni ewe neni kosap feniengaw me ia (Safety Zone), kosap untengi womw we chitosan (toraku).

## FOSUN CHUUK



## PORAUSAN NOPWOPWO (TSUNAMI)

### KAPAS EIS FAN CHOMONG

Kopwe ammon ren Nopwopwo (Tsunami) ikenai

Sinefichi porausen Nopwopwo (Tsunami) a tongeni amanawok

### PORAUS AUCHEA MI NAMOT KOPWE SINEI




Kaua'i Emergency Management Agency  
[www.kauai.gov/kema](http://www.kauai.gov/kema) kema@kauai.gov  
Phone (808) 241-1800

# KAUA'I



## MET NOPWOPWO (TSUNAMI)?


- Nopwopwo (Tsunami) ekkewe noo mi watte pwan efeiengaw. Kese tongeni oomwn ika apaswon pokiten effen chok akokano fonu usun nge en sonuun konik (ika mwitirin kuunen saat) nge ese nikapopo me paras epwe usun ekan noo si apasapas won. Nopwopwo ekan ochupa me uwei pipi, iwe a tongeni esenipato wattenon feiengaw ren.
- Nonon Nopwopwo mi chok akafaun non fite awa, mokutukutun noo michok fiifis iteiten 10 minich ngeni ew awa nefiner. Ewe ewin noo esap fen ina e watten.
- Nopwopwo amwen sapwichipwich fetanin usun chok en sepenin jet (ina epwe 500 main ew awa) faninonun saat, nge nonon echok fitu inchis tekian.
- Nupen Nopwopwo a arapkan ngeni arosetin fonu, a mokutukutumang nge efen watte tekian ewe nopopo. Feiengaw watte ngeni arosetin fonu pwan tori manawen aramas me pisekir ika a wor Nopwopwo.  
Neni non Hawai'i a fen wor kokonon fonu ren konik mi tori 30 fit anononun.
- Nopwopwo efiis seni chechchechin fansaat ese anonon.
- Nopwopwo rese kon nien fiis seni chechchechin faan saat seni chopun fonkano, puu fonu, choun pungun sesin faou me pipi watte me turutiwen foun fan nang.
- Imw me kunukun imw rese for pochokun ar repwe tongeni uta ngeni ataen Nopwopwo.




## KINIKININ POCHOKUNEN NOPWOPWO (Tsunami Condition Fite) (PACIFIC TSUNAMI WARNING CENTER)

- **Taropwen Esinesin ren Nopwopwo (Tsunami)**  
Ika e wor taropwen esinesin mi katou ren Nopwopwo, iwe esap wor Nopwopwo (Tsunami).
- **Masen Nopwopwo**  
Ika a tou esinesin ren Nopwopwo (Tsunami) kopwe ammonata omw kopwe mon ika Nopwopwo epwe fiis.
- **Esinesin ren Nopwopwo**  
Ika a tou ew esinesin ren Nopwopwo (Tsunami), kopwe suseni won piepii, aroset me osu aramas seni oror me imwen chuufengen ra nomw aropen saat.  
Omokutau waa me siip non saat anonon ika mi wor fansoun. Kopwe sinei pwe mi tongeni wor watten pochokunen mokutukutun saat me nongaw arosetin fonu me nekinikinin anen saat arosetin fonu. Nge esap kon wor kokonon orosetin fonu.
- **Esinesin ren Nopwopwo (Tsunami)**  
Ika a tou esinesin ren Nopwopwo, mwitir touseni ewe nenien suuseni mi par (Red Tsunami Evacuation Zone) mi esisin ren erierin faan mi choon, sungeni ewe neinen suri mi onuenfetin (Green Safety Zones) ina mi afateti non maapen Nenien Sungei atun Nopwopwo (Tsunami Evacuation Map).
- **Esinesin ren Nopwopwo Pochokkun**  
Ika a tou esinesin ren Nopwopwo Pochokkun, mwitir touseni ewe nenien suuseni ren Nopwopwo Pochokkun mi oneon – Yellow Extreme Tsunami Zone (mi fateno ren na nain mi tikitik) me nenien suuseni ren Nopwopwo mi par - Red Tsunami Evacuation Zone (mi fateno ren nain me choon) ngeni nenien suungeni ren Nopwopwo mi onuwen fetin (Green Safety Zone) usun mi afateti non Maapen nenien sungeni fansoun a wor Nopwopwo.  
Ew chechch a 9+ watten pochokunan me tongeni efisata Nopwopwo. Ukukun chok 3.5 awa awor ngeni kich as sipwe su me mwen ew ewin Nopwopwo a wareitkich.

Blackboard  
connect



Maapen lan Kopwe Sangeni  
Atun Nopwopwo (Wailua to Kealia)



Ew nechen pen a wewe ngeni 1 awa an  
ewe Nopwopwo (tsunami) epwe tori Hawai'i.

## MWIRIN EWE NOPWOPWO (TSUNAMI): INET A OCH OMW KOPWE NIWIN?

- Nopwopwo mi tongei katta ika esap wor ataeen. Ika e katta, iwe epwe mwitir wor angangen kutta me annisi aramas won fonu me neset. Esinesin "All Clear" ren niwiniti neni mi fiis ei feiengaw ia esap tongeni kawor non fite wawa ika raan.
- Ika ewe Nopwopwo ese wor ataeen, mi tongeni kawor esinesin "All Clear" a mutata niwin sefaan ngeni kewe neni. Nge ren esinesin "All Clear" ren tou won saat, esap wor.
- Fonuen aroset mi tongeni taa ren kokonon fonu ren puun saat, tano imw, imw watte, pipi, ekkei, mokuno puu nonon mettoch me efeiengaw (HAZMAT) tori an esap tin tengki ika pisekin annisin aramas (tengki, mokutukutun poraus, aan/biris, nenien gas, pwan metekeanan). Chon fonu resap tongeni niwiniti ika tonong non ekkei neni tori an pipi epwe enimenimw.
- Uti an epwe katou esinesin "All Clear" seni nouwiisen putain emerchesi mwe mwen kopwe niwiniti fonuen aroset ika neset.

FOR MORE INFORMATION:  
KAUAI EMERGENCY MANAGEMENT AGENCY  
WWW.KAUAI.GOV/KEMA KEMA@KAUAI.GOV  
PHONE (808) 241-1800

INTERNATIONAL TSUNAMI INFORMATION CENTER  
PACIFIC TSUNAMI WARNING CENTER  
HAWAII.TSUNAMI.ORG TSUNAMI.GOV ITIC.TSUNAMI@NOAA.GOV  
PHONE (808) 725-6050

## MI WOR EKKWE ESISIN IKA EPWE NE WOR NOPWOPWO

**MEFI:** Mefi pwe pun mi chechchch watte kese tongeni omw kopwe chiwen utaa.

**KUNA:** En mi tongeni kuna an saat a morono, noo mi anikacheche fengen chok ika ese chiwen faat met sokkun napanapan noo me saat.

**RONG:** En mi tongeni rong okurangen Nopwopwo aa usun nouwen/ungungun Jet ika kusa.